



## Matiu 26



Iesu at Betani uwane. Oiyat 6 onanapeve Uwag Gaveya Buyunaeba uwape. Rasaros me Iesu wane bo gumbe inaig yoinewa asime wakene. Meve Meri oira tayapama oraimina, —iviwa Narudo,—me garawa kokavitwa, ibnawa 300 grams mina aug sira Iesu amawa apa egamne, sira amawa kuiyagumawa gumbe muinne. Sira oira tayapama oraimina gwe dana undag noidauwane.

1

Meve Judas Isukariot, aigowawa 12 danowo desirom da, me Iesu ominawa tetan oya pirisi koukawa munan aine. Mu mame anoyawa degadega aya. Mu anmaga wantan oya agi waya. Meoya Judas me Iesu nanuwo barautan oya ebu da oraiwa diune.




2

Meoya aigowawa mu Iesu dirumwanewa aya sira Uwag Gaveya Buyunaeba oya tamibarip aya. Mu nakwai nemeve, Iesu bredi aug gaun wag warensine. "Aug naya, mame ne kwapunwa," me meib wane, aigowawa munne. Sira me ap aug gaun wag me mun wane, "Ye undag me gumbe naya. Mame ne diyanwa agiyawa. Iyayapan obiren ano kukaeba mumawa wad muitan oya aikpe."



3

"Saimon, Saimon, anoa. Seitan imive nakwai wiit natawa ge mutat ubeube tetan mina ye undag amaorot ape. Seitan imive ye undag nakwai wiit natawa ge mutat mina viyaviya atan aivi. Megara ne genan oya nun wana. Kuyawa ne imunap ge anotumat geuma yan den aikpe. Ge sira taigawa, tatagaiwa geuma wad tuwama."



4

Megara me garawa wane, "Ayapan, ne ge gaibu nog anektan sira bo atan oya tamibarip ana." Iesu garawa wane, "Pita, ne ge dirukna. Kum gare ge koni duwamdesi wa den yauneg anoana, meve kumkum wape."




5

Meve Iesu me aigowawa gaibu at iviwa Gessemani amiya, me dirumwane, "Ye mapa wakeya, ne dauwag asime angeni nun watna." Me sira wane, "Abba Maman, ge gungap dividivi undag oma ane. Ne gunap ap mame atan auwa. Megara ne anoeniwa onan, anoegewa a."



6

Meoya Judas me apa onne. Mut igiyawa ge temporu amareme igiyawa mu pirisi koukawa ge Parisi igiyawa gumbo onamiyawa Judas namuyoiyoi amunne. Mu damempa, dun ge mut tam omome. Sira mu da benesi viyane pirisi painauvitwa me nauwawa aiviwa da naunawa yutanwa kwagomiyane aigne. Megara Iesu wane, "Mame mina sira den aya." Me apan naunawa yumne warinamne.




7

Meve mu me auya. Mu me aug, pirisi painauvitwa gweyawa amiya. Pita painau utupa mu amowo aivi. Sira mu pirisi painauvitwa gweyawa danave panki yapave me apa iyam okereg undag yan wakeya. Pita mu gaibu yan wakeya.




8

Pirisi kokavitwa me nau eme igiyawa meuma da, me apan bira naunawa Pita kwagomiyane mu dam desiroma, me wane, "Ne ge orivu nau benawa danave yawagna go onan?" Pita sira uyai wane, me kumive kumkum tatevit wane. Sira me dauwag aig it kokavit wane.



9

Meve iyayapan undag wan yoig Pairat gumbe Iesu aug amiya. Pairat singui ane, "Ge Ju igiyawa kin mumawa?" Iesu garawa wane, "Ge natawa vege, ne meme di." Pairat imive Iesu yankwepe aipe, meoya mu gumbo sira wane. Megara mu kwaruwaya, "Me korosi gumbe toya!"



10

Oiebiren Pairat me Iesu korosi gumbe totan oya aug munne. Mu Iesu aug amiya. Iesu me korosi meuma aug aivine, sira me dauwag at Kuyamaredhawa aine. (Gae Ibru gumbe waiviwa Gorugosa).




11

Mame apa mu Iesu korosi gumbe toya, sira me apa iyayapan duwam gaibu—da gambenwa apa sira da gambenwa apa,—Iesu me buwangave.



12


Kum tobiroriyane sisip uwag onne. Temporu danave wape gwarapama, me yapave viyodne aigne duwam ane. Iesu au kokavit wane, "Maman, ge nanigap ne guwanwa barautna." Meib wag gaup meuma oieba pukuwane.



13

At Arimataya apan Josep, me Daiboru Painauvitwa igiyawa yapowo kokawa. Me membo God toimuwawa uwatanwa oya amaraivi. Me ano meuma yusipamit ane Pairat gumbe uwag Iesu kwapiwa oya nun wane.


Josep wape rinen gwiruwadne. Kwapiwa aug aignewa wape me gumbe panne. Sira dagup danave baraune. Dagup me an koka kwabnewa. Meve me an koka wak siririyane dagup ankwinawa tobodne.



14

Kum dawa, kum me Tamibarip Kumiwa onananewa, pirisi koukawa ge Parisi igiyawa Pairat gumbé amiya. Mu waya, "Kokawa, ugauga waivi abnawa wakenewa kumiwa apa wane, Kumduwamdesi danave ne sira

inaigitna, nu anoete."



15


Meoya mu amog dagup an gumbé tobot wabatamiya, mut igiyawa dagup amaraya.



16


Sabat Kumiwa onanane, pura danave kum namuirenwa mumbevit apa, Magdara vesin Meri, ge Meri dawa dagup yautan oya amiya. Yauya! Pinunu koka ipuniyane. Kuyawa Ayapan aneya meumawa kwimin apa aigne, dagup aine,

an watariyag egave yan wakene. Mut igiyawa mu aneya yang a aya, mu daram daram ag bo igiyawa mina aya.



17

Aneya vesin dirumwane, "A den aya. Ne yang anona ye Iesu me korosi gumbé toyawa oya yobene. Me mapa onan. Me wanewa mina sira yoine. Oneya mu barauyawa arawa yauya."




18

Vesin a aya, megara degadega gumbé tatevit dagup apa yankweg amiya, aigowawa dirumtan oya kintog amiya. Tatevit Iesu nuntosa munne, me gaun munne. Vesin uwag Iesu amave yumiya, sira watdega aya.




19

Ivi aigowawa 11 nakwai nemewa Iesu mu gumbó uwamunne. Me anotumat muma yan aigne sira nokakae aya oya me mu gumbó yamdapam wane. Kuyawa Iesu sira inaig yoinewa iyayapan yauyawa mu iyayapan upeba gumbó umum wayawa mu anotumat den aya. Ayapan Iesu mu gumbó gae wane, meve me kwimin danave dog aine sira God naniyutanwa apa wakene.



20



God baigan meuma kokavit at  
piyu mame gumbe, meoya me  
Usiwa Desiromiren munne. Bira  
da me gumbe anotumat  
apewa me bo den ape  
inaiinai yaibobot  
aupe.

54

60

21

Romu 3:23 Iyayapan undag kukaeba aya, meoya God  
gumbe mu oma den ane eyawa aupe.

Romu 6:23 Kukaeba garawa me bo. Megara God  
puyowawa me inaiinai yaibobot me Ayapan numa Iesu  
Keriso nuniviwa.

Ibru 9:27 Iyayapan undag kum da boriruwata, sira pui  
auta. Me natawa.

Epesas 2:8,9 Ye ano oraiwa gumbe sira anotumat yeuma  
gumbe waita auyana. Ye yembovit onan, me God  
puyowawa. Nau gumbe onan. Me bira da den waiyatan  
oya.

22

Romu 10:9,10 Kuiyawa ge nogap, "Iesu me Ayapan,"  
vegewa, sira nonegap, "God ane Iesu boriruwayawa  
igiyawa gumbo sira inaine," anotumat egewa, ge waita  
auwa. Apan nonenmagave anotumat apewa, God namive  
oraiwa aupe. Sira noiwa gumbe taibe waiviwa waita aupe.

Jon 3:16,17 God baigan meuma kokavit at piyu mame  
gumbe, meoya me Usiwa Desiromiren munne. Bira da me  
gumbe anotumat apewa me bo den ape inaiinai yaibobot  
aupe. God piyu mame pui yutan oya Usiwa den baraune  
onne, me piyu mame me gumbe waita muntan oya.

1 Jon 5:11-13 God inaiinai yaibobot aug nunne, sira  
inaiinai mame Usiwa gumbe wakene. Mame me taibe  
atanwa. Da bira me Usiwa aunewa me inaiinai aune, sira  
da bira God Usiwa den aunewa me inaiinai den aune.  
Ye God Usiwa iviwa gumbe anotumat ene, meoya ne  
dividivi mame yenan teeni, me inaiinai yaibobot wait  
auyanawa ye yaug anotan oya.

23

Matiu 26-28; Ruk 22-24; Jon 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Maiwa NT (mti) © 2011, Wycliffe Bible Translators, Inc.  
All rights reserved.

<https://www.bible.com/bible/360/MAT.1>

©2026 Bible for Children, Inc.  
www.M1914.org      www.bibleforchildren.org

24